

renissimo, triplo, prestò 1500 e dona il don, de li qual portò in oro ducati 1000 815. 620

Sier Francesco Grimani qu. sier Piero da San Cassan, dopio, offerse so' fioli ducati 500 e il don. 614. 839

† Sier Polo di Prioli qu. sier Domenego, dopio, el qual andò a oferir, oltra ducati 800 imprestò per avanti, *etiam* offerisse al presente ducati 1500 e il don 832. 605

Sier Antonio Bembo, è di Pregadi, qu. sier Hironimo da San Zulian, dopio, el qual andò a oferir, oltra ducati imprestò, altri ducati 1500 e dona il don 580. 845

† Sier Domenego Capello, fo provedador al sal, qu. sier Carlo, el qual andò a oferir ducati 1000 e il don 977. 465

Sier Sebastian Bernardo, è di Pregadi, qu. sier Hironimo, el qual andò a oferir, oltra ducati 1200 imprestò, *etiam* ducati 1300 e il don 344. 1084

154*

Podestà a Parenzo.

Non. Sier Lucha Navajer qu. sier Bernardo

† Sier Marco Antonio da Molin, fo signor di la paxe, qu. sier Francesco 1088.340

Un Provedador al sal justa la parte.

Sier Marco Antonio Contarini, fo di Pregadi, qu. sier Alvise, el qual andò a oferir ducati 1000 608.634

Sier Francesco Zorzi, fo provedador sora i daci, qu. sier Hironimo el cavalier, el qual andò a oferir ducati 1000 602.637

† Sier Andrea Zustignan, è di Pregadi, qu. sier Unfrè, el qual prima offerse ducati 1000, poi azonse ducati 2000 e il don 710.543

Sier Sebastian Bernardo, è di Pregadi, qu. sier Hironimo, el qual offerse ducati 1000 470.707

A di do. La matina, andato il Principe in Colegio molto aliegro, et reduti Procuratori et altri in

palazo per acompagnar sier Lorenzo Loredan fiol dil Serenissimo, rimasto Procurator, qual era vestito di veludo cremisin, che, poi si rupe il campo più non si à messo color; e cussì vestiti di seda li do fratelli, sier Hironimo e sier Alvise, il quarto sier Bernardo era in leto con febre da eri in qua, et altri assa' patricii et soi parenti vestiti di seda e di scarlato et altri Compagni soi; sichè ave una bellissima compagna. Et andato in chiesa di San Marco, dove era il resto di Procuratori tutti, excepto sier Antonio Grimani ha tolto medicina, vene *etiam* sier Zorzi Emo al locho di procurator, qual fin qui ha dato ducati 10 milia e 500, e fin do zorni dona il resto. Et compita la messa andoe in Colegio, dove davanti il padre, Principe, usò parole molto degne, ringratiando la Signoria de li honori conferitoli etc. Il Principe li rispose molto aliegramente, usandoli tal parole che si commosse et lacrimoe di dolceza di veder il suo caro fiol, che ama sopra tutti, è primogenito, a la prima dignità. Poi dixè di questa terra; et le parole usono l'uno e l'altro, forsi noterò qui avanti.

Et perchè questa matina, oltra li 12 milia portò 155 eri di contadi, suo fradello mandò li ducati 2000 per far li gropi e mandarli in campo, e havia la fede di sier Francesco Morexini oficial a la Camera d'imprestedì di questo; qual, presente el Principe et vista, li fe' dar sagramento per Lorenzo Trivixan secretario, che altri non vi era, et intrò Procurator di la chiesa. Et tolto licentia vene in Palazzo, et a molti parenti, Compagni e amici, tra i qual lo Marin Sanudo, fece un bellissimo pranso; eramo a taola in sala numero 70 et più.

Di Vicenza vidi letere, di ultimo, di uno nominato Modesto , scrive a domino Lunardo da Porto dottor, citadin visentin habita in questa terra. Come à aviso Verona è sotosopra, e tutti atende a scuoder e sopelir la loro roba; et era stà tenuta la nuova di Brexa fin quel di seosa, poi la inteseno, et è gran charestia di formento et vino; pur di carne ne hanno. Et venendo il campo, presto si averà quella terra, dove è al governo il cardinal Sedunense, el conte di Chariati et Marco Antonio Colona; et sono dentro da fanti et cavalli in tutto numero 4000; *tamen* il Colegio ha che vi è *solum* fanti 2000.

Fo terminato questa matina, poi non se intende altri che voja dar ducati 10 milia per Procurator, indusià a Domenega a far il terzo Procurator; ma pur se intese eri sera sier Hironimo Justinian, fo savio a terra ferma, a una cena fe' sier Alvise Pisani